



Paarma Lund Kreutzmann,  
Inuit Ataqtigiit sinnerlugit Inatsisartunut ilaasortaq

### § 37 naapertorlugu apeqqummut nr. 102/2026-mut akissut

Asasara Paarma Lund Kreutzmann,

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uannut akisassanngorlugit innersuussutigineqartut qujassutigaaqka. Apeqqutit issuarneqartarput tamatumalu kingorna akineqarlutik.

Ulloq: 29-06-2026  
Suliap normua: 2026 - 11562  
Allagaatip normua: 26577212

Postboks 1160  
Oqarasuaat: 34 50 00  
Fax: 34 55 05  
3900 Nuuk  
Emaili: [pn@nanog.gl](mailto:pn@nanog.gl)  
[www.naalakkersuisut.gl](http://www.naalakkersuisut.gl)

### **1. Dronning Ingridip napparsimavissuani asaasutut sulisut arlallit erseqqinnerusumik tunngavilersorneqanngitsumik soraarsinneqarnerat, kingornalu suliani taakkunani nunani allamiunik sulisartunik atorfinitsitsisoqarsimanera ilumoortuunersoq Naalakkersuisunit nassuiarneqarsinnaava?**

#### **Akissut:**

Peqqinnissaqarfimmit ilisimatitsissutigineqarpoq sulisut eqqorneqartut allakkanik tusarniaassutinik tamarmik nassinneqarsimasut soraarsitsinissanut tunuliaqutaasut nassuiaatigineqarlutik, aalajangivittoqartinnagulu oqaaseqaateqarsinnaanissaminnut periarfissinneqarlutik.

Dronning Ingridip Napparsimavissuani eqqiagassat ilaat, tassaannerusut init ataatsimoorfiusartut, init napparsimasunik passussisarfiit pinnagit, neqeroortitsisarnermut malittarisassat naapertorlugit sumiiffimmi suliffeqarfimmut suliariumannittussarsiuunneqarpoq. Tassunga atatillugu Peqqinnissaqarfiup paasissutissiissutigaa, sumiiffimmi sulisut sulisartunik nunami allamiunik taarserniarlugit aalajangertoqarsimanngitsoq. Kalaallit suliffeqarfiat, suliassamut neqeroortitsinermi ajugaasup, atugassarititaasut malittarisassallu isumaqatigiissutit iluanni sulisoqarnissaq nammineq oqaasissaqarfigaa.

Naalakkersuisut erseqqissassavaat, ilaatigut inatsisiliornikkut, periusissiatigut inuussutissarsiutillu ineriartortinnerannut sinaakkusiussatigut, sumiiffimmi sulisut ineriartortinniarlugit, pikkorissarniarlugit ilanngutitinniarlugillu pingaarnertut angusassamik toraagaqarluni ataqtigiissumillu aaqqissuussamik sulisoqartoq. Peqatigitillugu oqaatigineqassaaq, ingerlatsinerup piviusumik aaqqissuunneqarnera, matumani ilanngullugit suliariumannittussarsiuussinermit sulisoqarnermullu malittarisassat atuuttut iluanni aalajangiinerit immikkoortuni ataasiakkaani allaffissornikkut ingerlatsinikullu naliliinernik tunngaveqarmata politikikkullu aalajangiinerunatik. Taamaattorli ineriartorneq ingerlaavartumik Naalakkersuisut sumiiffimmi suliffissaqarneq pillugu pingaarnertut politikikkut anguniakkat malittaraat,

pisariaqarpallu tapersersoqqinnissaanut aaqqiissuteqarnissamut pisariaqassanersoq nalilissallugu.

***Naalackersuisup makku ilisimatitsissutigissagai qinnutigineqarpoq:***

**a) Sulisut qassit soraarsinneqarpat?**

**Akissut:**

Peqqinnissaqarfiup oqaatigaa, sulisut arfineq-marluk killiliussat atuuttut naapertorlugit soraarsitaanerani ilisimatinneqartut.

**b) Soraarsitsinernut suut tunngavilersuutigineqarsimappat?**

**Akissut:**

Peqqinnissaqarfiup oqaatigaa, soraarsitsinerit eqqiaanermut tunngasuni aaqqiissuussaanerup allangortinneqarnerani tunngavilerneqartut, suliasat ilai kalaallit suliffeqarfiutaannut nuunneqartut. Taamaalilluni suliffiup iluani eqqiaanermi sulisunik pisariaqartitsineq annikinnerulersinneqarpoq. Aammattaaq oqaatigineqarpoq, pivusorsiortumik piunasaqaatit soorlu suliamut tunngasut inuttullu piginnaasat tunngavilugit toqqaasoqartoq kiisalu aalajaatsuuneq, atorfeqarsimanerup sivirususia eqqarsaatigineqarsimallutik.

**c) Kingorna atorfinni taakkunani sulisartunik nunanit allameersunit atorfinitsitsisoqarsimava?**

**Akissut:**

1-mi apequtigineqartumut akissut takuuk.

**d) Peqqinnissaqarnermut immikkoortumi sulisunut nunaqavissunut sulineri atugassarititaasut pitsaasunik ersarissunillu atugassaartitsinissaq qanoq qulakkeerneqassava?**

**Akissut:**

Peqqinnissaqarfiup oqaatigaa, sulisoqarnermut pissutsit sulisunut qulakkeerneqartartut aqutsinikkut ingerlaavartumik malitseqartitsinikkut, ersarissumik attaveqatigiinnikkut, ersarissumik suliasanik aaqqiissuussinertigut kiisalu malittarisassat atuuttut eqquutsinnerisigut. Saniatigut sumiiffimmi sulisunik piginnaanngorsaaneq, sulisussarsiorneq aamma tigumminiinnarniarneq pimoorullugu sulissutigineqarput.

Naalackersuisut soorunalimi allatigut sianiginiassavaat, sulisunut matumani ilanngullugit sumiiffimmi sulisunut iluarsinerit, paasiuminartut atugassarititaasullu naammaginatut qulakkeernissaannut, inatsisip naleqqussarnissaanut piviusumik pisariaqartitsisoqarnersoq.

**2. Atorfinitsitsisarnermut periutsimut nutaamut, pilersaarutit malillugit septembarimi atuutilersussami, tassani atorfinitsitsisartoqatigiit Danmarkimeersut Kalaallit Nunaanni Peqqinnissaqarfimmi peqqinnissamik sulisunik ilapituissapput. Qanoq ililluni peqqinnissaqarfimmi sulisut aalajangersimasut pitsaasunik atugassaqarnissaat qulakkeerneqassanersoq Naalackersuisup nassuiaatigisinnaavaa?**

**Akissut:**

Nikittaalluni sulinermik aaqqissuussineq Kalaallit Peqqinnissaqarfiata Danskillu Nunami immikkoortuisa akornanni suleqatigiannersut pilersinneqarpoq sulisoqarnermi aalajaatsuunerup nukittorsarnissaa aamma peqqinnissaqarfimmi patajaannerulernissaaq siunertaralugu. Aaqqissuussinerup kinguneranik, danskit napparsimavimmi immikkoortorta qarfiat kalaallit immikkoortorta qarfiani tamakkiisumik ataatsimik atorfeqartitsivoq. Tamanna ingerlajuarnerusumik inuttaqartitsissaaq maannakkut inuttaqarniarnermi pissutsinut sanilliullugu, ilaatigut peqqinnissaqarfimmi suliasaqarfiit ilaanni taartaasartut allaffeqarfiiniit taartaasartunik sulisunik atorfinitsitsineq pisariaqarsimavoq.

Tulleriiaarnermik pisariaqartitanut suleriaatsimi Peqqinnissaqarfik Danskit Nunap Immikkoortuinut suliarnik ataqatigiissaarisumut nalunaartarpoq, danskit napparsimaviini immikkoortorta qarfiit nikittaalluni sulinermik isumaqatigiissuteqarusuttut pissarsiariniarlugit. Tulliullugu peqqinnissaqarfiup nammineq sulisussarsiornermut immikkoortua, Kalaallit Nunaanni pisortaq akisussaasuusoq suleqatigalugu, danskit napparsimaviini immikkoortortanik ataasiakkaanik isumaqatigiissuteqassaaq.

***Naalackersuisup ilanngullugu makku ilisimatitsissutigissagai qinnutigineqarpoq:***

- a) **Aaqqissuussineq pillugu nakorsat sygeplejerskillu aalajangersimasumik atorfeqartut aaqqissuussineq pillugu aarleqquteqarnerat Naalackersuisup ilisimavaa?**

**Akissut:**

Naalackersuisut sianigaat, nikittaalluni sulinermik aaqqissuussinerit pillugit isumakuluuteqartoqalenera, taakkualu isumakulunnerit pimoorullugit tiguneqarneqarput. Tassunga atatillugu sulisut misilittagaat isiginneriaasiisalu aaqqissuussinerup piviusunngortinnerani ilanngutissallugit pingaaruteqarpoq. Saniatigut Isumaqatigiissummi takuneqarsinnaavoq, aaqqissuussineq aqutsisoqatigiinnik qanimut malittarineqartoq, annertusisamik nikittaalluni sulinermik aaqqissuussinerup allannguisoqarnissaanik pisariaqartitsineq takutippagu, pingaarnertut sinaakkusiussat ingerlaavartumik aaqqiiffiqarsinnaapput. Aqutsisut sulisullu oqaloqatigalugit Peqqissutsimut Inunnullu Innarluutilinnut Naalackersuisup neriuuteqarneq malugisimavaa naatsorsuutigalugulu aaqqissuussineq pissutsinik pitsaanerulersitsinnaasoq.

- b) **Sulisut aalajangersimasumik atorfeqartut piffissami sivikitsumi taartaasartunik atorfinitsitsinernut atatillugu annertunerujussuarmik ilinniartitsinermik suliakkersorneqarnissaat qanoq pinngitsoortinniarneqarpa?**

**Akissut:**

Peqqinnissaqarfimmi taartaasartut allaffeqarfiiniit sivikitsumik taartaasartunik atorfinitsitsinernillu maannakkut pinngitsoorneqarsinnaanngitsumik aalajaannerulersitsinissaaq siunertaralugu nikittaalluni sulinermik aaqqissuussineq suliarineqarpoq. Nikittaalluni sulinermik aaqqissuussineri pingaartillugu eqqarsaatigineqarpoq, sulisumut aallarniutitut suliffimmilu suliasanut ilitersuussineq imatut piareersarneqassasoq, ingerlatsinermut tapertaasutut atorfilinnullu sulisunut naleqqutinngitsumik pisarissersuutaanani.

Maannakkut taartaasartut allaffeqarfiinit sivikitsumik atorfilinnut atuinernullu atatillugu atorfillit sulisut annertuumik suliassanut ilinniartitsinissamut ullumikkut annertuumik peqquneqareerput. Sulisut taakkuusut aalajangersimasumik akuttussusilimmik sivisunerusumillu utertassasut, ullumikkornillu sulisunik ilinniartitsisarnissamut pisariaqartitsineq annikinnerulissasoq aaqqissuussinermi naatsorsuutigineqarpoq. Nikittaalluni sulinerмик isumaqatigiissuteqarnerit atuutilersinnerisigut naatsorsuutigineqarpoq ilinniartitsinissamik suliassaq taanna annikinnerulissasoq, pissutigalugu atajuarneq nukittorsarneqassammat uteqqiattumillu ilinniartitsinissamut pisariaqartitsineq annikinnerulerluni. Peqatigitillugu nikittaalluni sulinerмик aaqqissuussinerup immikkoortortaqaqfinni suliassat tunngasuni ineriartorneq napparsimasunut sulisunullu atorfeqartunut iluaqutaasumik tapersersussavaa.

Peqatigitillugu naatsorsuutigineqarpoq, immikkoortortaqaqfinni pisortat allaffissornikkut sulissussarsiornermut suliassanut piffissaq atortagaat annikinnerulissasoq.

**c) Taartaasartut tikittut aningaasarsiatigut atorfeqarnerminnilu atugassarititaat annertuumik Kalaallit Nunaanni aalajangersimasumik sulisunit allaanerussuteqarpat?**

**Akissut:**

Peqqinnissaqarfimmi sulisut nikittaalluni sulinerмик aaqqissuussinermut peqataasut, peqqinnissaqarfimmit piffissami killilimmi atorfinitsinneqartassapput, atuuffimmullu Kalaallit Nunaanni isumagineqartumi Kalaallit Nunaanni isumaqatigiissutit atuuttut malillugit akissarsiaqartinneqarlutik. Taamaalilluni sulisutut allatut, atuuffimmut pineqartumut isumaginittutut akissarsiat tapisiartaat ilanngunnagit isumaqatigiissutinut tunngasut assingi malissavai. Tassunga atorfimmi piffissami killilimmi atorfilimmut atorfininnermut soraarnermullu angalaneq tunniunneqassaaq, tak. PPK-mi isumaqatigiissummi ilanngussaq 1 sinniisunut aaqqissuussineq pillugu isumaqatigiissut. Peqatigitillugu danskit nunami immikkoortui nikittaalluni sulinermut tapimik tunniussisarput, naalagaaffimmit aningaasalersorneqartumik, tak. Tunngaviusumik isumaqatigiissutip 9. februar 2026-meersup atugassanngortinneqarnera pillugu isumaqatigiissutip ilaa. Nikittaalluni sulinermut tapi Kalaallit Nunaanni peqqinnissaqarfimmit aalajangersarneqarneq ajorpoq, kisianni Danmarkimi illuatungeriinnit isumaqatigiinniarsinnaatitaasunit isumaqatigiinniutigineqartarpoq, imaappoq nunap immikkoortuini aamma sulisartut kattuffiinit attuumassuteqartunit. Saniatigut nikittaalluni sulinermut isumaqatigiissummut ilaappat, danskit nunap immikkoortui sulisuminnut inissiamik atugassiisarput.

Nikittaalluni sulinermut isumaqatigiissummut ilaasut soorlu sulisussarsiornermut tiggummiinnarnissamullu tapimik aamma ukiumut pissarsiasanik atorfilinnut tunniunneqartussanik pineq ajorput, tak. isumaqatigiissutit atuuttut.

Ukiut kingullit aningaasaqarnikkut isumalluutitigullu peqqinnissaqarfimmit unammillernartut isiginiarneqartorujussuusimapput, Naalakkersuisullu taakku pimoorulluinnarpaat. Minnerunngitsumik sumiiffimmi sulisartut eqqarsaatiginissaat pineqarpoq. Ukioq kingullerli Naalakkersuisut nalunaarutigaa, pissutsit allanngortinnginnissaat attanneqarsinnaanngitsoq, aamma nukinginnartumik sulisoqarniarnikkut unammillernartut aaqqiivigisariaqartut piffissamut ungasinnerusumut pilersaarutit naammassineqarsinnaanerit qulakkeerniarlugu. Peqatigitillugu nikittaalluni

sulinermik aqqissuussinerup taartaasartut allaffeqarfiinit sulisunik pisariaqartitsineq annikillisinissaa periarfississavaa, kingunerissavaalu peqqinnissaqarfiup annertuumik sipaaruteqarnera.

**d) Kalaallit Nunaanni peqqinnissaqarfimmi aalajangersimasumik atorfeqartut sulisoriinnarissaat atugarissaarnissaallu qanoq Naalakkersuisut qulakkeerniarpaat?**


**Akissut:**

Peqqinnissaqarfimi sulisunut tigumminiinnarsinnaasut pilerinarsaarisullu, sulinermut avatangiisit eqqissisimasumik attanneqarsinnaasumillu sapinngisamik sinaakkutit pitsaasut pilersinniarlugit peqqinnissaqarfik eqeersimaartumik sulivoq. Pingaarnertut anguniarneqarpoq atugassarititaasut aalajaatsut pilerinartullu siuarsarissaat, peqqinnissaqarfimmi sivikitsumik atorfinitsitsinerit amerliartortut unammillernarnerat ikorsiiffigisinnaajumallugu.

Tigumminiinnarniarneq atugarissaarnerlu ingerlaavartumik ukkanneqarput ilaatigullu piginnaasat ineriartortinneqarnerannik, suliamut tunngasut avatangiisit nukittorsarnerannik aamma sulisoqarnermi pissutsit pitsaanerulersinneqarnissaannik suliaqarnikkut tapersersorneqarput. Tassani neriuutigineqarpoq, nikittaalluni sulinermik aqqissuussinerup annertusisap sulisoqarnermi atajuarneq aalajaatsuunerlu annerulersissinnaagai taamaalillunilu aalajangersimasumik atorfilinnut sulinermi avatangiisinut pitsaanagerusunut ilapittuutaasinnaalluni. Nikittaalluni sulinermik aqqissuussineq suliniutinil arlalinnit ataatsit, maannakkut sulisunut sulilerumaartunullu sulinermut pissutsinik pitsaasunik peqqinnissaqarfimmut aalajaatsumut ataatsimut tapertaasussatut isigineqassaaq. Ilanngunneqassaaq, aqutsisut sulisullu oqaloqatigalugit Peqqissutsimut Inunnullu Innarluutilinnut Naalakkersuisup neriuuteqarneq malugisimavaa naatsorsuutiginninnerlu nikittaalluni sulinermik aqqissuussinerup tunuliaqutaani anguniarneqartumut atatillugu aqqissuussineq pissutsinik pitsaanerulersitsissasoq.

Inussiarnersumik inuulluaqqusillunga

Med venlig hilsen



Jens-Frederik Nielsen